

## Notti di Natali

### Notti di Natali

Quantu stiddi di luci ca ci sunu  
e albiri di Natali illuminati  
chi lustru chista notti 'nta lu munnu  
c'allumina nuveni di cartuni  
e pasturedi di crita.  
Sta storia si ripeti tutti l'anni.  
La notti di Natali  
nasci lu Bommineddu 'nta là rutta.  
Quantu rijali, pillicci e giujelli  
ammucciunu 'sta notti di duluri  
e lu campari afflittu e turmintatu.  
Notti di Natali  
festa di tavulati e panittuni  
'nta ogni casa buttigghi di spumanti.....  
mentri di fami ni morunu tanti.  
Quantu lustru si fa 'nta chista festa  
ma 'nta li cori di li cristiani  
di chisti tempi cù lu scuru fittu  
ppi cosi ca si fanu senza fidi.  
Chista è l'umanità  
semu comu l'animali  
e ni pigghiamu in giru  
macari ppi Natali.

di Alfio Naso